

# 白字先生

古水

壬辰年冬月初三 / 2012-12-15

新浪鄉有白字先生某，不學無術，猶好自矜伐，鄉人蠢蠢，希賢希聖，徒唯唯而應，竟聲傳千里、名達四鄉。

某好書微博，自詡公知，侈談政事，恣肆批評，齒頰中隱然臧否風雲之勢，舉投間似乎黜陟奸忠之「能」，惟語流于俗，好作粗口，擁躉反目以璞玉渾金，益慕之，轉帖者每每千計，某乃掀髯驕其客曰：「嗚呼！時更無英雄，余一人耳！」

一日，某書「余聞之『鹹魚味腥，湯無摺蜜』<sup>1</sup>，鹹魚腥羶，不可與蜜糖同煲。」又一日書「古有云『狗日新，日日新』<sup>2</sup>

，久不得其意，今途見一牡犬騎牝犬背，方洞悟要旨：蓋新生皆始于日也！」轉發者幾萬，以為奇人異語。

鄉有聞人名古水者，聞之哂然：「今之世『名士』猶此，弢乎眾人！」

---

1. 實作「咸與維新，湯武革命」是也。☒

2. 實作「苟日新，日日新」是也。☒